



## **Universitätsbibliothek Paderborn**

### **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt VIII. Cur Lutherus huiusmodi opiniones docuerit, & praesertim inter eas quaedam adeò incredibilia; & tamen asseclas nactus sit.

**urn:nbn:de:hbz:466:1-11642**

1518.  
• Lutheri  
Operum  
Tom. I.

At verò gliscebat Romæ indignatio contra Lutherum , ex nuntiis de gliscientibus in Germania eius erroribus . Proposuerat ille in Vniuersitate Heydelbergenſi, priusquam Romam acciret, aliquot ab eo nuncupata *Paradoxa*, apposito ad ea confirmando tractatu.

Affirmabat illie : Humana opera omnia esse peccata lethalia; solumque venialia euadere, si fiant cum metu ne sint lethalia.

Solam Fidem ad salutem sufficere.

Post peccatum Adami nullas in homine remanere reliquias liberi arbitrij.

Voluntatem nihil operari in bonis actibus, sed solum exercere ministerium causæ *Materialis*, vt dicunt, & *Pascha* in iis excipiendis, non verò eos producere; atque idem ante Adami peccatum euenisse.

Quæ opinationes ex iplius Lutheri confessione adeo enormes visæ sunt, vt risum saepius in corona excitauerint. Fuit etiam ibi qui diceret, si rustici eas propositiones audirent, haud sanè se à iactu lapidum abstinerent. Sub idem tempus, per effrænatam obloquendi licentiam, est debacchatus in ea quæ apud Philosophos maximæ sunt reuerentia, pluribus positionibus productis tam generis quam peculiaribus, in summum Aristotelis eiusque doctrinæ contemptum, Anaxagoræ, Pythagoræ, ac Platonis placitis antepositis.

### C A P V T VIII.

*Cur Lutherus huiusmodi opiniones docuerit, & præsertim inter eas quædam adeo incredibilia; & tamen asseclas nactus sit.*

Am verò si hæc opiniones de Luthero narrarentur, non autem in ipsis voluminibus palam essent, eas equidem vel amplificationes, vel malignas interpretationes, vt crebro assolet, æmulorum putarem. Sed cum eas iterum atque iterum ille pronuntiarit, ac diu sustinuerit, mirum sanè videtur, quo pacto ipse non agnouerit falsas, & aliis persuaserit pro veris. Verumtamen, si rem intimè perscrutemur, deprehendemus, vbi sic primò exilire coepit, aliam nequiuisse viam insistere, quæ duceret quod inhibabat. Me non latet, quandoque Scriptores libi fingere mysteria & prouida confilia, in eo quod reapse cæci casus fortutum opus fuit; nec pro certo affirmauerim, non idem mihi euenturum in sequenti conjectura. Quod si ex una parte debilium ingeniorum est, sibi suadere, cunctas mortalium actiones altissimum sibi finem prafigere; quemadmodum



modum ferè oculi , siue ex infirmitate siue ex tenebris, ad obuia quæque, quamvis parua , quasi ad grande quiddam expauescunt : ex altera nos docet Natura , vbi obseruatur actionum ordo consenteus operi ab iis effecto , existimandum nobis , earum artificem fuisse consilium. Quapropter si forte aberrauero, non ideo temere agam in exponenda textura Lutheri , quæ mihi visa est deprehendi in eius liciis, ad telam, quam contextam videmus, conficiendam.

2 Erat ille, vtr diximus, appetens non tam veri quām noui. Cœpitque aliquid nouare in ea materia , quò motus animi hominem compulit, suorumque domesticorum fauor impulit. Conatus itaque Indulgentiarum venerationem abincere, quamdam reperit opinionem à S. Thoma confutatam ; earum nempe utilitatem in eo solū sitam, quòd Canonicas pœnas remittant. Et quoniam S. Doctor hinc ut absurdum deducit ; Si hoc ita foret, Indulgentias damno futuras, quippe quòd pœnæ canonice nihil aliud erant, nisi medicamenta ; vnde ab iis soluere peccatores, perinde esset, ac soluere ægrotos à suscipienda medela : libenter Lutherus hanc sententiam arripuit, quòd eamdem consecrationem concederet, ob cuius falsitatem S. Thomas eam refellit; vtriusque animis ad opposita è regione spectantibus, cùm hic studerer defendere, ille impugnare commodum, quod fideles sperant ex Indulgentiis sibi decerpendum. Haud tamen audiebat vafer ita derepente Indulgentias omnino contemnere : idcirco alteram simul sustinendam tibi suscepit opinionem, asserentem, Indulgentiarum beneficium, quod spectat ad pœnam Purgatorij, aliud non esse, quām declarationem illius fructus, quem opus bonum ex se obtinebat ad eiusdem pœnæ remissionem. Atque hæc sententia concordabat cum ea, quam minus consulte dixerat Magister cum aliis Scholasticis ; nimirum in foro Pœnitentiae nihil aliud esse Absolutionem, nisi declarationem venientiæ Deo dataæ ex vi perfecti doloris , quem pœnitens sibi inesse Sacerdoti confirmat. Propterea Lutherus hanc etiam doctrinam assumpit : sed quoniam hinc oriebatur , Sacraenta nouæ Legis, cuiusmodi est Pœnitentia, verè gratiam non efficere, sed tantummodo significare, ideoque in hoc non excellere supra Legis antiquæ Sacraenta, hoc ipsum etiam Lutherus libenter admisit.

3 Ad hoc : quia ut Indulgentiæ possent à nobis impertiri defunctis, videbatur opus esse consensu in excipientibus tale donum: ideo Lutherus sedulo perquisiuit cunctas opiniones , quæ probabiles quæ improbables, quibus hunc nodum nequius implicaret. Ac primum quidem cum aliquibus consensit, \* negantibus , eas animas de

1518.

In 4. Di-  
finct. 20.  
Quæst. 1.  
Art. 3.

\* Dionyſius  
Carthagena-  
nus, quem  
postmodum  
secutus est  
Michaël  
Batus.

D 2

sua



1518.

sua salute certas esse: vnde arguebat, easdem non posse dono as-  
sentiri, quandoquidem, an illius essent capaces, ignorabant; non  
animaduertens, dum illæ non experiuntur se Deum odio habere,  
satis nosse, extra inferos degere, adeoque in tuto versari; nisi fingam-  
us, eam cognitionem, quam in hac vita Fidei beneficio obtinuer-  
rant, amisisse. Propterea significauit, se propendere in aliorum sen-  
tentiam, opinantium, eas animas interdum recusare huiusmodi le-  
uamentum, vt in ipsis diuina Iustitia expleretur: perinde quasi ma-  
gis in se amarent effecta Iustitiae, quam Misericordia ex meritis  
Redemptoris.

Tertiò: quoniam potissima causa, cur fidelium pietas conetur  
opem ferre illis animis, est impotentia sibi meti p̄ opitulandi,  
quippe sitis extra merendi statum: & hoc itidem negauit Luthe-  
rus, affirmans ibi charitatem augescere; ac proinde par non esse;  
vt fideles sibi bonum subtrahant, vt porrigant illi, qui melius pos-  
set idem sibi comparare de suo.

Iam verò, tametsi nonnullas ex dictis opinionibus tenuerit, vt  
significatum est, nonnemo Scholasticorum; tamen S. Thomas,  
animaduersis absurdis inde manantibus, eas confutauit, & cum eo  
communis consensus Doctorum maximi nominis; quorum do-  
ctrinæ adhæserat iam Ecclesia tum in Conciliis expresse, veluti in  
efficacia nouorum Sacramentorum, ac speciatim Absolutionis in  
Sacramento Pœnitentia; vt Florentinum declarauit: tum in Di-  
plomaticis, vsuque Pontificum, veluti in eo quod spectat ad Ecclesiæ  
Thesaurum, ac vim Indulgientiarum pro viuis ac defunctis; vt ap-  
paret in celebri Constitutione Clementis Sexti. Eapropter Luthe-  
rus adnisus est non modò S. Thomam, communemque Schola-  
sticorum consensum, sed Pontificis etiam atque Ecclesiæ auctori-  
tatem, eiusque traditiones paruipendere.

Intellexit porro, subtraicto hoc fundamento corruere multa no-  
stra Fidei dogmata, quippe claris verbis à Sacris Literis haud ex-  
pressa: ipse verò (vt solent qui iam æstuant ardore certaminis)  
haud retraxit pedem, quin in peiorem nouandi exarsit cupidinem;  
& quecumque dogmata putauit aliunde probari non posse, im-  
pudenter reiecit.

Deducebatur ex his, non esse in terris certum Sacrae Scripturæ  
Interpretem, nullique obnoxium errori: vnde, ne fateretur Fide-  
les temerè atque incertò credere, affirmat; sibi quemque interpre-  
tem Dei esse, habentem pro certa sua fidei regula diuinum affla-  
tum, quem in semet experitur.

Huius-



7 Huiusmodi doctrina secum trahebat, negandam esse Romano Pontifici eam iurisdictionem, quam in Ecclesia vniuersa tamquam Christi Vicarius exercet; tametsi nonnullis Principum molestam, existimantibus, tantumdem ipsorum detrahi potestati. Accedebat auiditas in iisdem potiundi amplis illis prouentibus, quos vel maiorum, vel subditorum suorum pietas Ecclesiae donauerat, & quorum libera distributio penes Romanum Pontificem erat, tamquam penes Ecclesiae Caput. Lutherus igitur consentaneo suae doctrinæ, siue propositi consilio, cœpit concutere omnem auctoritatem Legum Canonistarum, & iurisdictionis Ecclesiasticae, omnesque Sacerdotiorum institutiones, seu merè Ecclesiasticas, seu etiam Religiosas.

8 Sed hæc illicia non erant populis accommodata, quibus vñi sunt immunitates illæ, quas secum afferit Clericorum status, atque illi reditus, qui cum à Pontifice non possint sibi retineri, inter priuatós distribuuntur, ac plerumque inter vniuersitatem Regionis populares. Vnde posteà experimento compertum est, Provincias ab Ecclesiae obedientia subtractas, non idcirco pecuniosiores ditioresque quam anteà fuerint evasisse. Et alioqui iucundum ac speciosum cuilibet accidebat, eminere in Christiana Republica Aulam vniuersalem, quæ promiscuè fideles omnes complectatur, & absque multo Patrie nataliumque discrimine supremum Principem eligat, ac tot præterea Senatores regio in honore habitos à tam magna tamque præcipua generis humani parte, præter innumera biles Antistitum præfecturas, honorum ornamenta, Sacerdotiorumque vestigalia: quæ omnia ibi dispergita recreant quæplures re, omnes spe; quæ forsitan inter mortales magis recreat quam res ipsa, nobis pene exhibens delibanda ea bona, quæ maiora videntur ac dulciora animo concepta, quam re experta.

9 Itaque quod populos alliceret, sine quibus Principum cuilibet non plus inest virium quam vni de populo, alia illecebrâ ad eos incendos opus habuit. Ea verò fuit sensus licentia, abiectio metus gehenna, & liberatio à morsibus conscientiarum. Ad hoc aliquid verè conferebat indicata iam solutio à legibus Ecclesiasticis; non tamen satis erat, dum naturales ac diuinæ persistarent, duriores fortasse catenæ, & absque dubio maximè indissolubiles. Idcirco Lutherus eas etiam perfringere conatus est: cumque in Epistola Pauli ad Romanos animaduertisset, argui ab Apostolo tam Iudeos quam Ethnicos, quod sibi salutem sempiternam pollicerentur merito operum, ad obseruandam siue scriptam siue naturalem legem exhibitorum,

1518. bitorum, monstratque neutros propriis viribus posse memoratas leges implere, animæ verò iustitiam haud esse mercedem operis nostræ vi parati, sed fructum fidei nobis à Redemptore donata; hæc verba inconditè accepit, docuitque præceptorum obseruantiam haud esse possibilem; opera esse ad salutem inutilia; solamque fidem sufficere: quamuis idem Apostolus in secunda memorata Epistola parte, pluribusque aliis locis bona opera, præceptorumque effectionem ardenter inculcat, denuntians, eos qui vetita peragunt, cælestè Regnum haud ingressuros. Quoniam autem confidens animal homo est, ac libenter extollitur in temerariam fiduciam, fidemque tribuit facienti spem certam boni, defumpst quædam eiusdem Apostoli dicta, vbi Christianos cohortatur, ut plurimum spei collocent in eius Domini ope, qui ipsos fide suâ illuminauerat: omniisque aliis verbis, quibus idem Paulus redigit in memoriam metum, quem quisque de suo statu coram Dei oculis debet concipere, pronuntiavit: Nobis firmitate Fidei credendum esse, diuinam gratiam nobis inhærente.

Vltrà progresus, specie quidem quasi diuinæ misericordiæ omnina tribuenda censeret, sed re verâ, quod omni onere curâque humanam ignauitam liberaret, negauit in hominis anima esse vim efficiendi honestos actus, sed merè eos à diuina gratia excipiendi, non aliter quam aqua calorem ab igne accipit, detorsitque ad huiusmodi sententiam varias Sacrae Scripturae & Augustini assertiones, quibus dicitur, nos ex nobisipsis nihil posse; neque solum quod possimus, sed etiam quod operemur, Dei donum esse: quasi verò eadem locutio oppositum non conficeret. Quandoquidem si nos posse Dei donum est, ergo possumus: quod si etiam Dei donum est nos operari, ergo reipsâ operamur. Ita etiam dici solet, Quidquid possunt, & quidquid efficiunt corpora inferiora, cæli beneficium est: non quod ea non sint effectrices causæ nouorum effectuum; sed quod à cæli affectionibus excipiunt eiusmodi impulsionem, vigorem, atque adiumentum, ut absque ipsis nihil efficerent, & nihil possent.

Opinionem iam indicatam, quæ tollebat è medio necessitatem operum à Diuinis legibus iniunctorum, quod nimis incredibilis videbatur, studuit ille quodam mysterio mitigare; affirmauitque, ea opera in manu nostra non esse, propterea quod Adami noxalibeturum arbitrium nobis sustulerat: non quidem ad actiones ciuilis (quæ ratione humana commercia, leges pœnaque à Principibus profanis illatas illæsa seruabant) sed ad pietatis opera, atque animæ saluti

saluti conducentia. Atque ut hanc doctrinam persuaderet, abusus 1518.  
 est quibusdam effatis diui Augustini contra Pelagianos, peccatum In thesibus  
originale negantes, arrogantesque naturæ viribus perfectam legis  
oblieruantiam & salutem; statutâ ceu luce ratiocinationis basi ad-  
fidentis p[re]la-  
thero à  
Francisco  
Guntero  
Witten-  
bergæ an-  
no 1517.  
num. 1. 2.  
& 3. in to-  
mo 1. Ope-  
rum Luthe-  
ri.  
 uersus id quod Caeteranus Cardinalis scripscrat, hac assertione: Tri-  
 buere exsuperantiam Augustini locutionibus in hæreticis impu-  
 gnandis, idem esse, quod infirmare Ecclesiæ fundamenta contra  
 Pelagium, & vniuersæ veterum Patrum auctoritatem. Cùm ergo  
 S. Augustinus dicat, sublati per peccatum Adami iustitiae origi-  
 nariae donis, haud posse nos bene agere, nisi denuò nobis Deus  
 opituletur gratiâ Redemptoris, & quidquid nos ex nobis, non verò  
 ex vi gratiæ agimus, esse peccatum; docuit Lutherus, quodcum-  
 que nostrum opus reipsa peccatum esse, sed à Deo pro sua miséra-  
 tione, culpæ non assignari fidelibus.

<sup>12</sup> Sic itaque per oltentationem submissi gratiique animi erga  
 Deum, sublatâ ab homine omni facultate, adeoque omni debi-  
 to recte agendi, perfregit molestissimos illos dentes, quibus seue-  
 ra conscientia mortales arrodit; cādemque operâ seipsum absol-  
 uit ab ea vitæ innocentia, ad quam alioquin ipsum adstringebat  
 ratio personæ, quam agendam suscepserat in hac scena, diuini in-  
 terruntij: quam certe personam, nisi prius cā opinione inductâ,  
 retinere non potuisset absque sibilis theatri, vitam ducens inter pe-  
 tulantiam ac furorem animi excandescentis, interque crapulam  
 ac lasciuiam concupiscentis.

<sup>13</sup> Quod autem haec doctrina principiis rectæ Philosophiæ ex pra-  
 scripto Aristotelis aduersabatur, tanti Philosophi existimatio-  
 nem querere aggressus est, vt pote multos errores contra Fidem  
 scribentis: dissimulato discrimine inter ea, quæ protulit in me-  
 dium Aristoteles tamquam dubitationi obnoxia, & per prolixam  
 obscuramque argumentationem deducta, in quibus humanæ  
 mentis imbecillitate nonnumquam labitur; & ea, quæ idem sta-  
 tut tamquam positiones naturæ perspicuas, cuiusmodi sunt: In-  
 esse nobis tam agendi libertatem, sine qua neque supplicia neque  
 præmia mereremur, quām innatam ad liberè agendum vim, sine  
 qua actiones nec voluntariæ neque vitales esse possent.

Animos præterea addidit ad has doctrinas disseminandas tem-  
 poris quadam conditio, quæ spem copiose missis augebat. Hæc  
 fuit secta, quæ adhuc in propinquâ Bohemia vigebat, Hussitarum,  
 plures ex iam dictis erroribus asserentium; cum scilicet vi infinitis  
 partibus maiore opus sit ad rem ex nihilo procreandam, quām ex  
 paruo propagandam.

Hæ

1518.

Hæ igitur, quantum possumus assequi conieeturā non vanā, 14  
fuere caußæ, cur Lutherus, in ludum fortuitō ingressus, eā in al-  
ueolo dispositione repertā, latrunculos in hanc formam promo-  
uerit. Et quemadmodum ingens inde, tametsi damnosum lucrum  
prouenit, ita longē maius forsitan reportasset, nisi geminum ob-  
staculum offendisset. Alterum ex parte Dominantium, quippe qui  
animaduerterant, idem esse à Romani Pontificis obedientia se  
subducere, ac subditis exemplum præbere, quo se pariter ab ipso-  
rum Principum obedientia subducerent: tum ex eo quod cuius-  
cumque Principis auctoritas in profanis haud inititur validioribus  
firmamentis diuturnæ possessionis, existimationisque communis,  
quā Romani Pontificis in rebus sacris. Quare dum alteram ipsi  
concurterent, docuisserint alios de altera dubitare; tum quod eā  
persuasione sublatā, quā Monarchicum regimen à Christo insti-  
tutum putatur, cūm hoc (saltem inter Ecclesiastica) sit perfe-  
ctissimum, multō sanè fortius Monarchia depellitur à Dominatu  
profano, in quo eam rationes minus validæ suffulciant.

Alter obex, qui Lutheri progressus retardauit, fuit ex parte po-  
pulorum. Diffractā siquidem vnitate Fidei, res in vnica sectione  
contineri non potuit, sed necessariò ferè in infinita distracta. Et  
ratio in aperto est: nam sublatā regulā, vnica, certa, ac sensibus  
manifesta credendi, sed constituto pro regula impulsu interno;  
confestim necesse est, ut pullulent tot sectarum genera, quot ij  
sunt, qui arrogantes sibi aliquam ingenij præstantiam, persuasum  
habent, penes le esse clauem ad referandas arcanas cœli notas in Sa-  
cris Paginis exarat. Profectō ablata per tam multiplicem par-  
tium diuisionem cuicunque sectæ vnitate, aufertur concordia ac  
firmitas, adeoque vis & veneratio. At verò Catholica Ecclesia  
regulam supra memoratam retinendo, atque ita concordiam & fir-  
mitatem, semper venerabilis præpotensque perdurat.

### C A P V T I X.

*Pontifex Lutheri causam Legato committit: & quid  
inter eos actum sit.*

**H**Aud grauate Pontifex annuit Frederici precibus de commit-  
tenda Lutheri causa in Germania, quando præsentia ibi Le-  
gati opportunitatem suppeditabat, eumdem caußæ Iudicem con-  
stituendi; quod videbatur rerum conditionibus mirifice accom-  
modatum. Simul enim Principem obstringebat ad exequendam  
fenten-